

Cur pubis os
maximo for-
amine peruenit,
et deinde ipsius
sinus & tube-
ra.

tem minori negotio leuiusq; uterum gererent, illius ossa mulieribus multo ampliora sunt, ipsorumq; spina in latera longè magis quam in uiris, educitur, & etiam illa ossa extrorsum in-
gnius cauantur: & ut semel dicam, hæc commodam gestando foetui sedem efformant. Quod
autem nuper natis puellis parus facilius gratia, apud nullas gentes pubis ossa aut compri-
mantur, aut disjungantur, neminem dissectionis studiosum latere arbitror: quantumuis id
pertinaciter uulgi nunc de his, nunc illis nationibus affirmit. Quamobrem uero pubis os ma-
ximo totius corporis ossium foramine (quod etiam propter magnitudinem ab ostij imagine
nuncupatur) peruenit sit, illi demum cognoscunt, qui ad amussim inter secandum di-
dicere, qui nam musculi à coxendicis & pubis ossibus pronascentur. illi enim arguunt pubis
os amplam & aptam educendis musculis sedem necessariò oportuisse fieri. Ne uero interim fru-
stra animal grataret, sed ut leue esset, eo quo diximus foramine donatur. Neque est quod hæc
aliquis uasa seminaria, aut maximas crurum uenas & arterias, aut etiam nervos deduci ar-
bitretur: quemadmodum nemo non credit, qui etiam Anatomes rudis, nudam ossium com-
pagem intuetur. Illa enim organa aliam nanciscuntur uiam, quippe maxima crus petens uena,
arteriaq; simul cum secundo crus adeunte nervo, proprium sinum exigunt, in superiori pu-
bis ossis sede natiua, regione elatioris sedis nuper dicti foraminis. Porro seminarijs uasis
etiam elatius quam pubis os prominet in abdomine iter paratum esse audies. Deinde ingens
illud pubis ossis foramen ualida membrana oppletur, quæ musculum internæ foraminis sedi
proximum ab illo dirimit, qui externam foraminis sedem occupat. Neque profecto aliquid,
foramen hoc transit, præter uenam, & arteriam, neruumq; non ad genus usque ramorum
serie digestum. Præterea hæc uasa non per foraminis medium feruntur: sed in elatiori forami-
nis sede sinus cæclatur, illis uasis deducendis paratus. Quod uero superior pubis ossium pars,
qua inuicem committuntur, aspera est, ideo contigit, quod rectos abdominis musculos hinc
enasci Naturæ uisum fuerit. Deinde anterior quoq; ossium sedes inibi aspera est, ut neruorum
caput secundum tibiā mouentium musculi hinc rite pronasceretur. Ad hæc, in anteriori pubis
sede à coxendicis ossis acetabuli interno latere, ad pubis ossium commissuram usque, tuber
& quædam ueluti prominentia conspicitur, à qua octauus femur mouentium musculus prin-
cipium ducit. Quemadmodum hæc anterior pubis ossis sedes protuberat, ita quoque poste-
rior acutam ostendit lineam, à qua musculus femur mouentium decimus sui exortus portio-
nem assumit. His omnibus accedit pubis ossis crassities, iuxta infimam pubis ossium conne-
xus sedem, & magni illius foraminis internum latius, ubi pubis os quodammodo teres crassumq;
ob hoc uisitur, ut ipsius ossis robur adaugeatur: utq; hinc præter quosdam penis musculos
alterum corpus eorum quæ penem constituunt, originem duceret. Atque in hunc modum
ossa se habent, sacri ossis lateribus connexa, quæ in ætate prouectis duo tantum apparent, sin-
gula (uti relatum est) duobus donata appendicibus. In nuper natis uero pueris utrunque os
tribus constat ossibus, quæ tribus lineis cartilagine oppletis distinguuntur. Hæc lineæ à cox-
endicis acetabuli centro simul commissæ porriguntur, una quidem ad superiorem acetabuli sedem
ducta, secunda ad externum acetabuli latius: tertia autem ad lateris internum delata, etiam per pu-
bis os procedit, ubi id quodammodo teres esse, & penis alterum corpus producere diximus.
Verum quum hæc non minus in agnis hæc disq; quam hominibus sint conspicua, cuius uel
inter edendum ea obseruare est integrum.

Ossa sacri of-
fis lateribus, co-
missæ pueru-
lis tribus effor-
mati ossibus.

DE FEMORE. CAPVT XXX.

CHARACTERVM QVI DVABVS PRÆSENTIS

Capitis figuris sequenti pagina proponendis adhibentur, Index.

- A^{1,2} Caput femoris acetabulum ossis coxendicis subiens.
B¹ Sinus femoris capiti insculptus, & teretis ligamenti insertionem à coxendicis osse excipiens.
C^{1,2} Appendicis, rotundum femoris caput efformantis, cum reliqua femoris portione coalitus.
D^{1,2} Cervix femoris.
E, F^{1,2} Inferiora femoris capita. ac E quidem internum, F uero externum notat.
G^{1,2} Hæc linea coalitum indicat appendicis, duo inferiora femoris capita constituentis.
H² Sinus, qui utrisque capitibus E & F insignitis est communis, ac quem patella subit.
I¹ Sinus ac interuallum, duo inferiora femoris capita inuicem dirimens.
K¹ Ab hac sede interioris capitis primus pedem mouentium musculus initium ducit.

L¹ Hinc secundus & tertius pariter pedem mouentes musculi
M¹ Huic interni capitis sedi, quinti femur mouentium musculi
characterum indicem figuris subijciemus.

PRIMA TRI

GESIMICAPL
tis figura, dextri femo-
ris os posteriori facie
delineatum re-
ferens.



- N^{1,2} Sinus in externo inferiorum femoris capitem excelsus latius
musculum uehens.
O¹ Hac sede internum lateris interioris femoris capitis compre-
di, tertij & quinti tibiā mouentium musculorum porrigentis.
P¹ Hac regione idem interioris capitis lateris insigniter protu-
berans.
Q, R, S, V, X, Y Exterior femoris processus. uerum singuli
obuij aliquid priuatim, ut modo subijciā, indicant. Q quidam
processus appendicis ad reliquum os, R in prima sinu inter-
T, T. Sin prima figura exterioris processus prima indicatur imp-
gnitur aspera linea deorsum à prima impressione ducta: V
da impressio: X uero, tertia impressio. At Y in ambabu-
a, b, c, 2 Interior femoris processus. Verum b priuatim in secunda,
c, c 1 Linea aspera, à radice interioris processus deorsum obli-
musculi procedens.
d, d 1 Linea secundum femoris longitudinem protuberans, & qu-
nem admittens.
e 2 Hac sede femur amplum est, quum interim reliqua ferè long-
f, f 2 Aspera sedes, à qua octauus tibiā mouentium musculus